

Bobby Farrell

Un icono Arubiano cu a bende mas di 14 miyon album

Pero no a ricibi e reconocimiento mereci



BOBBY Farrell, e carismatico bailarin y cantante naci na Aruba, tabata un di e figuranan clave di Boney M, un grupo cu a bende mas di 14 miyon album a lo largo di su carera. Sinembargo, a pesar di su exito mundial, su legado ta sigui ta poco reconoci na su tera natal. Awendia, e cancionnan manera “Rivers of Babylon” y “Daddy Cool” ta sigui ta hits clasico, pero rib’e plataformanan manera Spotify of YouTube e no ta entre e artistanan mas comenta ni comparti, specialmente na Aruba, unda cu e connexion cu su musica parece a

disparce cu tempo.

Bobby Farrell tabata un homber cual presencia riba escenario, su energia y su estilo unico a laga u marca imborrable den e musica disco, un genero cu a marca un era. Sinembargo, su musica no ta refleha di e mesun manera rib’e rednan social ni rib’e plataformanan digital, caminda e amor y e reconocimiento pa su trabao ta sigui ta limita, a pesar di su logronan grandi. E falta di “likes” y “shares” den nan cancionnan, compara cu e otro artistanan contemporaneo, por interpreta como un falta di aprecio di parti di e generacion nobo, algo cu ta resulta paradohico considerando e impacto cu su musica tabatin na nivel global.

E hecho cu un artista cu a bende miyones di album, a recore mundo y a converti den un referente di e genero disco ainda no tin e homenahe cu e merece den su propio pais, ta pone enfasis riba e necesidad pa crea un proyecto cu ta rescata su legado. Un documental riba Bobby Farrell lo ta un excelente manera di recorda su historia, honra su contribucion na musica y vooral, inspira e hobennan Arubiano pa no rindi den e buskeda di nan soño internacional.

Un tributo visual y sonoro cu no solamente ta rebib’e como artista global cu e tabata, sino cu tambe ta sirbi como un les p’e futuro generacionnan di musico cu por sigui su ehempel di esfuerso y perseverancia. Ta ora cu Aruba reconoce Bobby Farrell como e icono cu e ta y promove su legado, tanto den e ambito local como internacional.

DESTINY SECURITY

OPORTUNIDAD PA trabao

▶ ATTRACTIVE SALARY
▶ JOB BENEFITS

WE ARE LOOKING FOR TALENTED AND PASSIONATE PEOPLE TO JOIN OUR TEAM.
IF YOU WANT A PLACE WHERE YOU CAN GROW PROFESSIONALLY AND WORK IN A COLLABORATIVE ENVIRONMENT, **THIS IS YOUR OPPORTUNITY!**

DESTINY SECURITY **DESTINY SECURITY OFICIAL** **5947937**